



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mechlinia Illustrata Luce Miraculorum S. Francisci Xaverii
Orbis Utriusque Solis Ac Thaumaturgi Chronicis Distichis
evulgata Anno M.D.C.LXVI.**

Grumsel, Gérard

Mechliniae, 1666

Admonitio Ad Lectorem

urn:nbn:de:hbz:466:1-11918

ADMONITIO
AD LECTOREM

MIRABILIS DEVS IN SANCTIS VIS

MIRABILIS DEVS IN ACTIS VIS.

H Em! quid molimur mortales? quid divinamus vates? quando inexorabile Dei decretum est, & omnia versat susque deque adamante scripta fatorum lex. Concinnaveram nuper brevem quandam epitomen; eaque perstrinxeram Thaumaturgi nostri Mechliniensis res ibi præclare gestas hoc postremo sexennio; dignas plane Chronicis immortalibus, & stylo magis defæcato. Adsciveram mihi in Mecænatem, hei! Illustr. num Dominum Mechliniensem Antistitem, Dominum, inquam, Andream Cruesium, ut uno quasi intuitu recognosceret, quæ & ipse expertus esset, & apposito sigillo præaque definiisset Xaveriana Miracula. Illi Societas universa pro singulari in se munificentia Iliadem debebat gratiarum, & hoc ipsi quale quale gratitudinis parabat hostimentum; suo quidem affectu quàm maximum, sed defectu vatis per quàm exile. Quod unum hic poterat, advertebat illi Tithonios annos & Nestorea secula; sed heu! quàm irritis votis & vaticinio quàm fallaci! non lustrabit hoc Eucharisticon, nec clientis vota percipiet, in senecta quidem uberis sed immatura nobis ereptas Mecænas, nisi divinis fortassis è cælo sensibus, quod jam dudum merebatur. Invidit tantum terris Heroem, & hunc sibi cælum repoposcit; ut gloriosissimo Xaverii sui contubernio frueretur defunctus, cujus propagat & honorem vivus & virtutes erat æmulatus. Abstulit hoc caput

put Metropoli, extinxit lumen hoc Belgio; ut reponeretur inter astra, qui
ad omnem normam Religionis ita suis præfulsisset. Translatus est igitur
eo anno, quo sacerdotii jubilæum ingrediens perfecerat Aram
CrVesenIVs RVMoLDo: pro mercede sedes aureas CrVesenIo
RVMoLDVs exoravit, ut jubilet inter Beatos decem lustrorum illic
sacerdos, ubi anni non deficiunt, nec funeribus permiscetur. Nos interim
hanc tesseram grati in illum animi supprimemus? Imò dedicabimus
translato perinde ac superstiti, defuncto non secus atque etiamnum vi-
venti. Parasitorum est, oculis dumtaxat & auribus servire, vel, quod
ajunt, palpum dare. Et verò sic erepta est Patriæ hæc gemma Pra-
sulum, ut rectè factorum superstiti splendore, atque in molibus suis, suo-
rumque medullis in perpetuas annorum series sit superfutura. Hæc te,
Lector, in fronte libelli monitum volebam; ut eâ mente, quâ vulgamus,
hæc evolvas; &, cui in calce brevi naniâ parentabimus, jubillum, si
viveret. daturi, appreceris & valeas.